

摘藻堂四庫全書薈要

經部

欽定四庫全書會要

經部

日講春秋解義卷三十三

三

詳校官原任侍講臣王燕緒



欽定四庫全書薈要

日講春秋解義卷三十一

成公

名黑肱宣公之子母穆姜以定王十七年即位謚法安民立政曰成

元年春王正月公即位

繼正而行即位之禮故書於策也與桓宣之書即位辭同而義異考其事論其世則其實不可揜矣

二月辛酉葬我君宣公

無冰

穀梁傳 終時無冰則志此未終時而言無冰何也

言終寒時

無冰當志耳今方建

丑之月是寒時未終 終無冰矣加之寒之辭也

周二月夏

十二月也是月於寒之中又加

甚焉過此無冰終無復冰矣

恆燠也周之二月夏之十二月也當涸陰沍寒而

恆燠焉此政事舒緩紀綱縱弛之象也方是時成

公幼弱政在三家公室不張其象已先見矣凡策

書所載皆經邦大訓人有微而不登其姓名事有

小而不記其本末雨雹冰雪何以悉書天人一理

也萬物一氣也觀於陰陽寒暑之變以察其消息
盈虛此敬天勤民慎於微之意也每慎於微則王
事備矣

附錄
左傳

元年春晉侯使瑕嘉平戎于王

平文十七年邲
垂之役詹嘉處

瑕故謂
之瑕嘉

單襄公如晉拜成

單襄公
王卿士

劉康公徼戎將遂

伐之叔服曰背盟而欺大國此必敗背盟不祥欺大
國不義神人弗助將何以勝不聽遂伐茅戎三月癸

未敗績于徐吾氏

徐吾氏茅戎之別也茅戎杜注戎
別種水經注大陽縣有茅亭故茅

戎邑也括地志茅戎在河北
縣西當在今山西平陸縣界

三月作丘甲

左為齊難故作丘甲
前年魯乞師于楚欲以伐齊
楚師不出故懼而作丘甲

公羊傳何以書譏何譏爾譏始丘使也
言始使丘
民作甲

穀梁傳作為也丘為甲也
使一丘之
民皆作甲丘甲國之事也

作甲非正也丘作甲之為非正何也古者立國家百
官具農工皆有職以事上古者有四民有士民有商
民有農民有工民夫甲非人人之所能為也丘作甲

非正也

此因齊難而益兵也司馬法九夫為井四井為邑
四邑為丘四丘為甸甸賦車一乘步卒七十二人
甲士三人凡二十五人為一甲三甲為一乘一丘
所出十有八人今丘出一甲是一甸之中百人為
兵總一乘計之增一甲矣積三甸計之增一乘矣
增乘增甲雖不可考其實皆益兵其數皆增三之
一爾春秋惡其紊亂先王軍賦之制以重困農民

故特書作以譏之作者不宜作也

夏臧孫許及晉侯盟于赤棘

赤棘社
注晉地

左傳聞齊將出楚師夏盟于赤棘

與晉盟
懼齊楚

季孫當國憾齊人之納歸父又聞其將出楚師遂
急於求晉而為此盟魯所欲故書及魯大夫特盟
諸侯者五其四書及皆魯志也惟侵祥書會則邾
志耳諸侯與大夫會盟在列國亦為降尊失列况
霸主乎季孫行父會齊侯于陽穀而後公子遂及

齊侯盟于鄆丘昔也公孫敖會晉侯于戚今則臧

孫許及晉侯盟政教之陵遲其所由來者漸矣

秋王師敗績于茅戎

公羊穀梁作質戎

左傳秋王人來告敗

解經所以秋乃書

公羊傳孰敗之蓋晉敗之

以晉比侵柳圍郊知王師討晉而敗

或曰質戎

敗之

以地在質戎故

然則曷為不言晉敗之王者無敵莫敢

當也

穀梁傳

不言戰莫之敢敵也為尊者諱敵不諱敗

諱敵使莫

為之偶不諱
敗以見其過

為親者諱敗不諱敵

諱敗惜其毀折也
不諱敵諸侯有列

國

尊尊親親之義也

尊謂王
親謂魯

然則孰敗之晉也

王者之師有征無戰書敗不書戰以茅戎不得與
天子抗也柔服遠人惟在惇信明義而設詐相邀
是失其所以馭戎之禮故以自敗為文亦自反之
道也

冬十月

穀梁
傳

季孫行父禿晉卻克眇衛孫良夫跛曹公子手

儻同時而聘于齊齊使秃者御秃者使眇者御眇者

使跛者御跛者使儻者御儻者

御迎也

蕭同姪子處臺

上而笑之

蕭國也同姓也姪子字也其母更嫁齊惠公生頃公宣十二年楚滅蕭故隨其母在

齊聞于客客不說而去相與立胥閭而語移日不解

胥閭門名

齊人有知之者曰齊之患必自此始矣

范氏甯曰穀梁

子作傳皆釋經以立義未有無其文而發傳者疑冬十月下脫季孫行父如齊六字

附錄左傳

冬城宣叔令修賦繕完

治完城郭

具守備曰齊楚結

好我新與晉盟晉楚爭盟齊師必至雖晉人伐齊楚

必救之是齊楚同我也

言將共伐

知難而有備乃可以逞

為二年齊

侯伐我傳

二年春齊侯伐我北鄙

左傳

二年春齊侯伐我北鄙圍龍

龍杜注魯邑在泰山博縣西南

頃公

之嬖人盧蒲就魁門焉

攻龍門

龍人囚之齊侯曰勿殺

吾與而盟無入而封

封竟

弗聽殺而膊諸城上

膊磔也

齊

侯親鼓士陵城三日取龍遂南侵及巢丘

初宣公事齊甚謹聘會相繼及與晉盟斷道而怨

隙成再盟赤棘而伐我北鄙魯於是乎空國兵而為鞏之戰同日憤兵務相報復不待貶而罪自見矣

夏四月丙戌衛孫良夫帥師及齊師戰于新築衛師敗

績

新築杜注衛地今直隸魏縣南有新築城

左衛侯使孫良夫石稷甯相向禽將侵齊與齊師遇

齊伐魯還故過良夫孫林父之父石稷石碯四世孫甯相甯俞子

石子欲還孫子曰

不可以師伐人遇其師而還將謂君何若知不能則

如無出今既遇矣不如戰也夏有

闕文失新
築戰事

石成子

曰

成子
石稷

師敗矣子不少須衆懼盡子喪師徒何以復

命皆不對又曰子國卿也隕子辱矣

隕見
禽獲

子以衆退

我此乃止

自請止此
禦齊師

且告車來甚衆

新築人救孫桓
子故竝告令軍

齊師乃止次于鞠居

鞠居杜注衛地後漢志封
丘有鞠亭即古鞠居也

新

築人仲叔于奚救孫桓子桓子是以免

于奚守新
築大夫

既

衛人賞之以邑

賞于
奚

辭請曲縣繁纓以朝許之

曲縣
軒縣

也周禮天子樂宮縣四面諸侯軒縣闕南方故
曲縣鐘磬之屬縣於筍簾者繁纓馬飾諸侯服

仲尼

聞之曰惜也不如多與之邑唯器與名不可以假人

器車服名爵號

君之所司也名以出信

名位不愆為民所信

信以守器

動不失信則車服可保

器以藏禮

車服所以表尊卑

禮以行義

尊卑有禮各得

其宜義以生利

得其宜則利生

利以平民政之大節也若以假

人與人政也政亡則國家從之弗可止也已

欲戰者衛也故以衛主之衛既使世子臧與晉同

伐齊又使四大夫侵齊及與齊師遇石稷欲還良

夫不可益欲逞一笑之忿而敗國勦民有不顧也

疆臣柄國其君不能主同列不敢爭而專行無忌
如此故孔達帥師不書至良夫而後書著大夫之
無君也其後林父出君據邑以叛其端已兆於此
矣

六月癸酉季孫行父臧孫許叔孫僑如公孫嬰齊帥師
會晉郤克衛孫良夫曹公子首及齊侯戰于鞏齊師敗

績首公羊穀梁作手鞏杜注齊地近志云鞏即古之歷下

左傳孫桓子還于新築不入不入國遂如晉乞師臧宣叔

亦如晉乞師皆主卻獻子

孫桓子臧宣叔皆不以國命自詣卻克故不書

晉

侯許之七百乘

五萬二千五百人

卻子曰此城濮之賦也

城濮

之戰晉車

七百乘

有先君之明與先大夫之肅故捷克于先

大夫無能為役請八百乘許之

六萬人

卻克將中軍士

變佐上軍

范文子代荀庚

欒書將下軍

代趙朔

韓厥為司馬以

救魯衛臧宣叔逆晉師且道之季文子帥師會之及

衛地韓獻子將斬人卻獻子馳將救之至則既斬之

矣卻子使速以徇告其僕曰吾以分謗也

不欲使韓子獨受殺

人之

師從齊師于莘

莘杜注齊地

六月壬申師至于靡笄

之下

靡笄杜注山名徐廣曰靡當作歷志曰歷山即左傳所謂靡笄之山在今山東濟南府南

齊

侯使請戰曰子以君師辱于敝邑不腆敝賦詰朝請

見對曰晉與魯衛兄弟也來告曰大國朝夕釋憾于

敝邑之地

大國謂齊敝邑魯衛自稱

寡君不忍使羣臣請于大國

無令輿師淹于君地

輿衆也淹久也

能進不能退君無所辱

命

言伯欲戰不須齊命

齊侯曰大夫之許寡人之願也若其不

許亦將見也齊高固入晉師祭石以投人

祭擔也

禽之

而乘其車

既獲其人因釋已車而載所獲者車

繫桑本馬以徇齊壘

將至

齊壘以桑樹繫車而走欲自異

曰欲勇者賈余餘勇

言已勇有餘欲賣之

癸酉

師陳于鞏郟夏御齊侯逢丑父為右晉解張御郤克

鄭丘緩為右齊侯曰余姑翦滅此而後朝食不介馬

而馳之

介甲也

郤克傷于矢流血及屨未絕鼓音

中軍將自

執旗鼓故雖傷而擊鼓不息

曰余病矣張侯曰

張侯解張

自始合而矢

貫余手及肘余折以御左輪朱殷豈敢言病

朱血色血色久

則殷赤黑色也言血多

吾子忍之緩曰自始合苟有

險余必下推車子豈識之然子病矣張侯曰師之耳

自在吾旗鼓進退從之此車一人殿之可以集事

鎮殿

也集成也

若之何其以病敗君之大事也擐甲執兵固即

死也病未及死吾子勉之左并轡右援枹而鼓馬逸

不能止師從之

晉師從卻克軍

齊師敗績逐之三周華不注

華不注杜注山名在今山東濟南府城北

韓厥夢子輿謂已曰且辟左右

子輿韓厥父言勿處車之左右兩偏

故中御而從齊侯

將居左居右代御者

邴夏

曰射其御者君子也公曰謂之君子而射之非禮也

射其左越于車下越隊也射其右斃于車中綦母張喪

車綦母張晉大夫從韓厥曰請寓乘寓寄也從左右皆肘之使

立于後以左右皆死不欲使立其處故以肘排退之韓厥俛定其右俛俯也右

被射仆車中故俯安隱之逢丑父與公易位見事急故易居公處將及華泉

華不注山泉水也驂絰于木而止驂馬絰也丑父寢于鞞中鞞臥車也

蛇出于其下以肱擊之傷而匿之故不能推車而及

為韓厥所及韓厥執繁馬前繫馬絆執之示修臣僕之禮再拜稽首奉

觴加璧以進曰寡君使羣臣為魯衛請曰無令輿師

陷入君地下臣不幸屬當戎行

屬適也

無所逃隱且懼

奔辟而忝兩君臣辱戎士敢告不敏攝官承乏

此皆韓厥

自處臣僕謙敬之飾言

丑父使公下如華泉取飲

時丑父代為齊侯故詐使

公下車欲使走逸

鄭周父御佐車

佐車副車

宛蒺為右載齊侯以

免韓厥獻丑父卻獻子將戮之呼曰自今無有代其

君任患者有一于此將為戮乎卻子曰人不難以死

免其君我戮之不祥赦之以勸事君者乃免之齊侯

免求丑父三入三出每出齊師以帥退入于狄卒

齊師

既敗皆有退心故齊侯輕出其衆以
狄卒皆抽戈楯
帥厲退者狄卒狄人從晉討齊者

冒之以入于衛師衛師免之
狄衛尚畏齊
遂自徐關

入
今淄川縣
齊侯見保者曰勉之齊師敗矣辟女子

使辟君也齊侯單
還故婦人不辟之
女子曰君免乎曰免矣曰銳司徒

免乎曰免矣
銳司徒主
曰苟君與吾父免矣可若何

乃奔齊侯以為有禮既而問之辟司徒之妻也
辟司徒主

壘壁
者
予之石窳
石窳杜注邑名濟北盧縣東有
地名石窳今屬山東長清縣
晉師

從齊師入自丘輿擊馬陘
丘輿馬陘杜注皆齊邑
在今山東益都縣界
齊

侯使賓媚人賂以紀甌玉磬與地

媚人國佐也甌玉
甌皆滅紀所得

不可則聽客之所為賓媚人致賂晉人不可曰必以

蕭同叔子為質

同叔蕭君之字齊侯外祖父子
女也難斥言其母故遠言之

而使

齊之封內盡東其畝

壑畝南北東西各從其宜欲使
盡東者為晉之伐齊循壑東行

為易也

對曰蕭同叔子非他寡君之母也若以匹敵則

亦晉君之母也吾子布大命于諸侯而曰必質其母

以為信其若王命何且是以不孝令也詩曰孝子不

匱永錫爾類

詩大雅言孝心不乏者又
能以孝道長賜其同類

若以不孝令

于諸侯其無乃非德類也乎

不以孝德賜同類

先王疆理天

下物土之宜而布其利

疆界也理正也物土之宜播植之物各從土宜

故詩

曰我疆我理南東其畝

詩小雅或南或東從其土宜

今吾子疆理

諸侯而曰盡東其畝而已唯吾子戎車是利無顧土

宜其無乃非先王之命也乎反先王則不義何以為

盟主其晉實有闕四王之王也

禹湯文武

樹德而濟同欲

焉五伯之霸也

夏伯昆吾商伯大彭豕韋周伯齊桓晉文

勤而撫之以役

王命

役事也

今吾子求合諸侯以逞無疆之欲詩曰布

政優優百祿是道

詩商頌優和道聚也

子實不優而棄百祿諸

侯何害焉不然寡君之命使臣則有辭矣曰子以君

師辱于敝邑不腆敝賦以犒從者

戰而曰犒為孫辭

畏君之

震師徒撓敗吾子惠徼齊國之福不泯其社稷使繼

舊好唯是先君之敝器土地不敢愛子又不許請收

合餘燼

燼火餘木

背城借一敝邑之幸亦云從也況其不

幸敢不唯命是聽魯衛諫曰

諫卻克

齊疾我矣其死亡

者皆親暱也子若不許讎我必甚唯子則又何求子

得其國寶

謂獻
磬

我亦得地

齊歸
所侵

而紓于難其榮多矣

齊晉亦唯天所授豈必晉晉人許之對曰羣臣帥賦

輿以為魯衛請

賦輿猶
兵車

若苟有以藉口而復于寡君

君之惠也敢不唯命是聽禽鄭自師逆公

禽鄭魯大
夫歸逆公

會晉

師

公羊

曹無大夫

小國例
無大夫

公子手何以書憂內也

從魯
為文

憂魯之不勝而曹能

助之故不掩其功

殺梁

其日或曰日其戰也或曰日其悉也

悉謂魯四
大夫時悉

在戰也明二
者皆當日

曹無大夫其曰公子何也以吾之四大

夫在焉舉其貴者也

不欲令內衆大夫
與外卑者共行戰

成公幼弱國勢未張季孫一怒遂掃境興師雖無人乎其君之側而不恤也將稱元帥略其副策書之體也而四卿竝書蓋季孫自喜其事諸大夫各詡其功故舊史竝著之小國之大夫不以名見而曹公子首書亦以是也春秋有仍 鬲史之文以見情實寓精義者此類是也

秋七月齊侯使國佐如師己酉及國佐盟于袁婁

穀梁作爰

婁張氏洽曰臨淄縣西有袁婁或曰在淄川境

左傳秋七月晉師及齊國佐盟於袁婁使齊人歸我汶

陽之田

公羊傳君不使乎大夫此其行使乎大夫何佚獲也

佚獲

者已獲而逃亡當賤之使與大夫敵體

其佚獲奈何師還齊侯

還

晉郤

克投戟逡巡再拜稽首馬前逢丑父者頃公之車右

也面目與頃公相似衣服與頃公相似代頃公當左

車君居左 臣居右 使頃公取飲頃公操飲而至 頃公欲堅敵意令不疑已

曰革取清者 革更也軍中人多水泉濁欲使遠取清者因亡去 頃公用是佚

而不反逢丑父曰吾賴社稷之神靈吾君已免矣卻

克曰欺三軍者其法奈何 顧問執法者 曰法斮 斮斮 于是斮

逢丑父已酉及齊國佐盟于袁婁曷為不盟于師而

盟于袁婁前此者晉卻克與臧孫許同時而聘于齊

蕭同姪子者齊君之母也踊于楛而闚客 踊上也楛躡板 則

客或跛或眇于是使跛者迂跛者使眇者迂眇者二

大夫出相與踦閭而語移日然後相去齊人皆曰患

之起必自此始二大夫歸相與率師為鞏之戰齊師

大敗齊侯使國佐如師卻克曰與我紀侯之廟反魯

衛之侵地使耕者東畝

晉地川谷宜東畝者多欲使齊之耕者亦東畝是將以齊

為土地與左傳說異

且以蕭同姪子為質則吾舍子矣國佐曰

與我紀侯之廟請諾反魯衛之侵地請諾使耕者東

畝是則土齊也蕭同姪子者齊君之母也齊君之母

猶晉君之母也不可請戰壹戰不勝請再再戰不勝

請三三戰不勝則齊國盡子之有也何必以蕭同姪

子為質揖而去之卻克眚魯衛之使使以其辭而為

之請

眚以目使人也卻克恥傷其威故使魯衛大夫以國佐辭為國佐請

然後許之逮

于袁婁而與之盟

逮追及國佐也

穀梁 鞏去國五百里爰婁去國五十里

國齊

一戰縣

地五百里焚雍門之茨

雍門齊城門茨葢也

侵車東至海君子

聞之曰夫甚甚之辭焉

言逼之太甚

齊有以取之也齊之

有以取之何也敗衛師于新築侵我北鄙教卻獻子

謂笑其跛

齊有以取之也爰婁在師之外

言師已逼其國

郤克曰

反魯衛之侵地以紀侯之廟來以蕭同姪子之母為

質

齊侯與姪子同母異父昆弟不欲斥言齊侯之母故言姪子之母也兼念姪子笑

使耕者

皆東其畝然後與子盟國佐曰反魯衛之侵地以紀

侯之廟來則諾以蕭同姪子之母為質則是齊侯之

母也齊侯之母猶晉君之母也晉君之母猶齊侯之

母也使耕者盡東其畝則是終土齊也

利其戎車侵伐易將終以

土齊為不可請一戰一戰不克請再再不克請三三不

克請四四不克請五五不克舉國而授于是而與之
盟

齊國佐如師與楚屈完同而書法異何也楚服齊
桓之義其使屈完如師意在受盟故書來盟前定
之辭也齊師既敗使國佐納賂以求成其盟非前
定也故書如師晉卿以一笑之辱與諸國連兵以
逞忿義本不足以服齊及國佐如師又不能以德
禮相屬而亂以要之由是國子不可請合餘燼背

城借一楫而去之郤克使魯衛之使以其詞為之請逮于袁婁而與之盟則汲汲欲盟者晉也故反以晉及之若此類見曲直之繩墨矣

附錄左傳

公會晉師于上鄆

上鄆杜注地闕當在今山東陽穀縣境

賜三帥

先路三命之服

三帥郤克士變藥書

司馬司空輿師候正亞旅

皆受一命之服

晉司馬司空皆大夫輿師主兵車候正主斥堠亞旅亦大夫

八月壬午宋公鮑卒

左傳八月宋文公卒始厚葬用蜃炭益車馬始用殉

燒蛤

為炭以瘞壙多埋
車馬用人從葬
重器備
重猶多也器備
葬器甲兵之屬
樽有四阿

棺有翰檜
四河四注樽也翰旁
飾檜上飾皆王禮
君子謂華元樂舉于

是乎不臣臣治煩去惑者也是以伏死而爭今二子

者君生則縱其惑
謂文十八年
殺母弟須
死又益其侈是棄君

于惡也何臣之為

庚寅衛侯速卒
速公羊
作邀

左傳
九月衛穆公卒晉三子自役弔焉哭于大門之外

師還過衛因弔之未
復命故不敢成禮
衛人逆之
逆于門外
設位哭
婦人哭于

門內喪位婦人哭于堂賓送亦如之遂常以葬至葬通行

此禮

附錄楚之討陳夏氏也在宣十一年莊王欲納夏姬申公

左傳

巫臣曰不可君召諸侯以討罪也今納夏姬貪其色

也貪色為淫淫為大罰周書曰周書明德慎罰文王

康誥

所以造周也明德務崇之之謂也慎罰務去之之謂

也若興諸侯以取大罰非慎之也君其圖之王乃止

子反欲取之巫臣曰是不祥人也是天子蠶子蠶鄭靈公夏

姬之兄殺

死無後

殺御叔

御叔夏姬之夫亦早死

弑靈侯

陳靈公

戮夏南

夏姬子

出孔儀

孔寧儀行父

喪陳國

楚滅陳

何不祥如是人

生實難其有不獲死乎天下多美婦人何必是子反

乃止王以予連尹襄老襄老死于邲

邲戰在宣十二年

不獲

其尸其子黑要烝焉

黑要襄老子

巫臣使道焉曰歸吾聘

女

道夏姬使歸鄭

又使自鄭召之曰尸可得也

襄老子

必來逆

之姬以告王王問諸屈巫

屈巫巫臣

對曰其信知營之父

成公之嬖也而中行伯之季弟也

知營父荀首也中行伯荀林父也邲

之戰楚人
因知瑩

新佐中軍而善鄭皇成甚愛此子

謂知瑩

其

必因鄭而歸王子與襄老之尸以求之

王子楚公子殺臣邲之戰

荀首因之

鄭人懼于邲之役而欲求媚于晉其必許之王

遣夏姬歸將行謂送者曰不得尸吾不反矣巫臣聘

諸鄭

聘夏姬

鄭伯許之及共王即位將為陽橋之役

陽橋

杜注魯地博縣有陽橋在今山東泰安州西北楚伐魯至陽橋在是年冬

使屈巫聘于齊

且告師期巫臣盡室以行申叔跪從其父將適郢

申叔跪

申叔時之子

遇之曰異哉夫子有三軍之懼而又有桑中

之喜

桑中衛風淫奔之詩

宜將竊妻以逃者也及鄭使介反幣

而以夏姬行

介副也幣聘物

將奔齊齊師新敗曰吾不處不

勝之國遂奔晉而因郤至以臣于晉

郤至郤克族子

晉人使

為邢大夫

邢杜注邢色

子反請以重幣錮之

禁錮勿令仕

王曰

止其自為謀也則過矣其為吾先君謀也則忠忠社

稷之固也所蓋多矣

蓋覆也

且彼若能利國家雖重幣

晉將可乎若無益于晉晉將棄之何勞錮焉

為七年楚滅巫

臣族晉南

通吳張本

晉師歸范文子後入武子曰

武子士會父子之父

無為吾望爾也乎對曰師有功國人喜以逆之先入

必屬耳目焉是代帥受名也故不敢武子曰吾知免

矣

謂謙遜
可免禍

卻伯見

卻伯
卻克

公曰子之力也夫對曰君之

訓也二三子之力也臣何力之有焉范叔見

范叔范
文子

勞之如卻伯對曰庚所命也克之制也變何力之有

焉

荀庚將上軍時不出范文子
上軍佐代行故稱帥以讓

藥伯見公亦如之對

曰變之詔也士用命也書何力之有焉

藥書下軍帥
故推功上軍

傳言晉帥克

讓所以能勝

取汶陽田

汶陽漢志魯國汶鄉縣顏師古曰即汶陽田今山東泗水縣東南有汶陽故城

公羊傳

汶陽田者何韋之賂也

取者得非其有之稱汶陽之田本魯田也齊人反我侵地不曰來歸而書取者恃大國兵力以得之而不請于天王以正其疆理則取之不以其道與得非其有奚異乎其事與取濟西田同故書法不異若龜陰謹闡乃齊人以歸于我故曰歸蓋歸者其意也取者非其意也

冬楚師鄭師侵衛

十有一月公會楚公子嬰齊于蜀

楚書公子自嬰齊始

左傳宣公使求好于楚莊王卒宣公薨不克作好公即

位受盟于晉

元年盟赤棘

會晉伐齊衛人不行使于楚

不聘

楚

而亦受盟于晉從于伐齊故楚令尹子重為陽橋

之役以救齊將起師子重曰君弱

傳曰寡人生十年而喪先君共王即

位至是二年蓋年十二三矣

羣臣不如先大夫師衆而後可詩曰

濟濟多士文王以寧

詩大雅

夫文王猶用衆况吾儕乎

且先君莊王屬之曰無德以及遠方莫如惠恤其民

而善用之

莊王臨終屬羣臣之辭

乃大戶

閩民戶口

已責

棄逋責

逮鰥

施及老鰥

救乏赦罪悉師王卒盡行彭名御戎蔡景公為

左許靈公為右

王卒盡行故王戎車亦行王不在不立戎右使御者居中令二君當左右

之位二君弱皆強寇之冬楚師侵衛遂侵我師于蜀

公賂

之而退故不書侵

使臧孫往

臧孫宣叔

辭曰楚遠而久固將退矣

無功而受名臣不敢

不敢虛受退楚名

楚侵及陽橋孟孫請

往

孟孫孟獻子

賂之以執斲執鍼織紝皆百人

執斲匠人執鍼女工

織紅織
縵布者

公衡為質

公衡成
公子

以請盟楚人許平

穀梁
傳

楚無大夫其曰公子何也嬰齊亢也

侵稱師著衆也會稱嬰齊著公會楚大夫義各有
所當也不書楚師侵伐何也蜀魯地楚師至蜀而
公遽出迎故不成乎侵伐也以望國諸侯降班毀
列與蠻荆之大夫會辱莫大焉故致賂納質皆略
而不書以為不足書也季孫以逞一笑之憤辱國
危君至此罪不容於誅矣

丙申公及楚人秦人宋人陳人衛人鄭人齊人曹人邾人薛人鄆人盟于蜀

左傳

十一月公及楚公子嬰齊蔡侯許男秦右大夫說

宋華元陳公孫寧衛孫良夫鄭公子去疾及齊國之大夫盟于蜀

齊大夫不書其名非卿也

卿不書匱盟也于是乎畏

晉而竊與楚盟故曰匱盟

言匱乏而盟

蔡侯許男不書乘

楚車也謂之失位

乘楚王車為左右是失位也卿不書則稱人諸侯不書皆不見經君

臣之

君子曰位其不可不慎也乎蔡許之君一失其

別

位不得列于諸侯况其下乎詩曰不解于位民之攸

墜

詩大雅言在上者勤正其位則國安而民息墜息也

其是之謂矣 楚師及

宋公衡逃歸臧宣叔曰衡父不忍數年之不宴

也宴樂

以棄魯國國將若之何誰居後之人必有任是夫

居語

辭言後人必有當此患

國棄矣是行也晉辟楚畏其衆也君子

曰衆之不可以已也大夫為政猶以衆克况明君而善用其衆乎大誓所謂商兆民離周十人同者衆也

大誓周書民離則弱合則成衆言殷以散亡周以衆興

公羊傳 此楚公子嬰齊也其稱人何得一貶焉爾

得一貶者

獨此一事得具見

其惡故貶之爾

穀梁傳 楚其稱人何也于是而後公得其所也

卑楚以尊公

會與盟同月則地會不地盟不同月則地會地盟此其地會地盟何也以公得其所申其事也今之屈向之驕也

楚人序于諸國之上主盟也薄宋之盟書會而此書公及何也薄宋皆楚盟諸侯而公往會之此則

楚師壓境公汲汲欲與之盟又諸國皆大夫宜用
以尊及卑之辭也會書公子嬰齊而盟書楚人何
也使會書楚人則疑于楚卿貶稱人而不見望國
之君屈下于楚大夫之辱盟書公子嬰齊而列序
諸國之卿則疑於諸侯及大夫盟會之常辭而無
以見楚大夫主盟公及諸國從楚之非義矣程子
所謂微辭隱義時措從宜者此類是也

附錄
左傳

晉侯使鞏朔獻齊捷于周王弗見使單襄公辭

焉曰蠻夷戎狄不式王命

式用也

淫酒毀常王命伐之

則有獻捷王親受而勞之所以懲不敬勸有功也兄

弟甥舅侵敗王略

兄弟同姓國甥舅異姓國略經畧法度

王命伐之告

事而已不獻其功所以敬親暱禁淫慝也今叔父克

遂有功于齊

克能也

而不使命卿鎮撫王室所使來撫

余一人而鞏伯實來未有職司于王室

大國三卿二卿命于天子

鞏朝上軍大夫名位卑不達于王室

又奸先王之禮

謂獻齊捷

余雖欲于鞏

伯欲受其獻其敢廢舊典以忝叔父夫齊甥舅之國也

齊世

與周昏故
曰甥舅

而大師之後也寧不亦淫從其欲以怒叔

父抑豈不可諫誨士莊伯不能對

莊伯
鞏朔

王使委于三

吏

委屬也
三吏三公

禮之如侯伯克敵使大夫告慶之禮降

于卿禮一等王以鞏伯宴而私賄之使相告之曰非

禮也勿籍

相相禮者籍書也王畏
晉故私宴賄以慰鞏朔

日講春秋解義卷三十一

欽定四庫全書薈要卷一千七百五十七

經部

日講春秋解義卷三十二

成公

三年春王正月公會晉侯宋公衛侯曹伯伐鄭

左傳

三年春諸侯伐鄭次于伯牛討邲之役也

伯牛杜注鄭地

邲役在宣十二年

遂東侵鄭鄭公子偃帥師禦之

偃穆公子游使

東鄙覆諸鄆

覆伏兵

敗諸丘輿

鄆丘輿杜注皆鄭地晉偏軍為鄭所敗故不書

皇戌如楚獻捷

陽橋之役鄭實導楚故晉欲討貳而宋魯衛曹亦懼楚之無厭故雖從楚盟旋復會晉以伐鄭焉宋衛未葬而背殯越境以從金革之事且載於策書者不稱子而稱爵違禮忘親之惡不可掩矣

辛亥葬衛穆公

穆公羊作繆

六月乃葬非禮也衛侯時有伐鄭之役故緩期而背殯從吉之罪亦因以見矣

二月公至自伐鄭

甲子新宮災三日哭

公羊傳

新宮者何宣公之宮也

三年喪畢神主新入廟故謂新宮

宣宮

則曷為謂之新宮不忍言也

親之精神所依而災孝子隱痛不忍正言也

其言三日哭何廟災三日哭禮也新宮災何以書記

災也

穀梁傳

新宮者禰宮也三日哭哀也其哀禮也迫近不

敢稱謚恭也其辭恭且哀以成公為無譏矣

先儒謂不曰宣宮主未入也主未入則遇災而哭

為非禮但古之新廟非毀舊更作也不過易檐改塗而已新主未入則舊主在焉不應以哭為譏若哭為得禮法不宜書姑發所疑以備參考

乙亥葬宋文公

七月而葬僭天子也陷先君於不義臣子之罪也傳載宋始厚葬必緣糜費踰度故襄事遲也宋君背殯從戎哀戚之意哀矣而徒為厚葬之虛文何益哉

夏公如晉

左傳

夏公如晉拜汶陽之田

鄭公子去疾帥師伐許

左傳

許恃楚而不事鄭鄭子良伐許

許恃楚而不事鄭故鄭伐之然已實不明去就之義而專意事楚又何以責許之不共乎許鄭之蔽也楚越許而後至鄭無許則楚兵一出直履鄭郊乃逼之不已徒自毀其藩籬而隳內固之勢失謀

亦甚矣

公至自晉

古者諸侯繼世三年喪畢以士服見于王而受命
焉魯宣公除喪而朝於齊成公除喪而朝於晉以
事天子之禮事強鄰慢上而辱國亦甚矣

附錄
左傳

晉人歸楚公子穀臣與連尹襄老之尸于楚以

求知瑩于是荀首佐中軍矣

荀首知
瑩父

故楚人許之王

送知瑩曰子其怨我乎對曰二國治戎臣不才不勝

其任以為俘馘執事不以釁鼓

以血塗鼓曰釁

使歸即戮君

之惠也臣實不才又誰敢怨王曰然則德我乎對曰

二國圖其社稷而求紓其民各懲其忿以相宥也兩

釋纍囚以成其好二國有好臣不與其誰敢德王

曰子歸何以報我對曰臣不任受怨君亦不任受德

無怨無德不知所報王曰雖然必告不穀對曰以君

之靈纍臣得歸骨于晉寡君之以為戮死且不朽若

從君之惠而免之以賜君之外臣首

稱于異國君曰外臣

首其

請于寡君而以戮于宗亦死且不朽若不獲命而使
嗣宗職次及于事而帥偏師以修封疆雖遇執事其
弗敢違其竭力致死無有二心以盡臣禮所以報也
王曰晉未可與爭重為之禮而歸之

秋叔孫僑如帥師圍棘

棘杜注汶陽田之邑在濟北蛇丘縣季氏私考曰今當為肥鄉

縣地

左傳秋叔孫僑如圍棘取汶陽之田棘不服故圍之
如僑

叔孫得

臣子

公羊傳

棘者何汶陽之不服邑也其言圍之何不聽也

不聽叛也

棘為汶陽之邑復故邑而民不服蓋魯是時初稅
畝作丘甲賦役日重棘雖復歸故國所以不願為
之民也歟成公不知薄稅斂輕力役修德政以來
之而命將董師環而攻焉失撫綏之義矣

大雩

晉郤克衛孫良夫伐廐咎如

唐公羊作將穀梁作牆廐咎如杜注亦狄別種

左傳 晉郤克衛孫良夫伐虜咎如討赤狄之餘焉虜咎如潰上失民也

虜咎如為赤狄別種先是晉滅潞氏甲氏及畱吁餘衆散入虜咎如故復興是役此逐利之師也楚方蹂藉中原晉人不修霸業而敝敝焉惟狄之務樓與國以伐之其為國可知矣

冬十有一月晉侯使荀庚來聘

晉來聘之始

衛侯使孫良夫來聘

丙午及荀庚盟丁未及孫良夫盟

聘而遂
盟始此

左傳冬十一月晉侯使荀庚來聘且尋盟

尋元年赤棘
盟荀庚林父

之子衛侯使孫良夫來聘且尋盟

尋宣七年盟

公問諸臧宣

叔曰中行伯之于晉也其位在三下孫子之于衛也

位為上卿將誰先對曰次國之上卿當大國之中中

當其下下當其上大夫

降一等

小國之上卿當大國之

下卿中當其上大夫下當其下大夫

降大國二等

上下如

是古之制也衛在晉不得為次國晉為盟主其將先

之古制公為大國侯伯為次國子男為小國春秋時以強弱為大小故衛雖侯爵猶為小國計等則衛

小國之上卿與晉大國之下卿名位正敵以盟主故先晉丙午盟晉丁未盟衛禮

也

公羊傳此聘也其言盟何聘而言盟者尋舊盟也

穀梁傳其日公也傳例盟前定則不日後定則日此盟公雖在位亦以非前定故日之來

聘而求盟不言及者以國與之也不言其人亦以國

與之也不言及謂凡書來盟者若文十五年宋華孫來盟宣七年衛孫良夫來盟是也此先聘而

後盟故不言來盟總言及而不復著其人亦舉國為主之辭不言求兩欲之也

諸侯有聘而無盟聘禮也盟非禮也然苟出於君命則書使來盟而不言聘今書使來聘而別言盟則二大夫生事而專盟也魯不能以禮却之其何能國乎第書及為公諱也

鄭伐許

鄭專事楚而絕晉復馮弱犯寡一歲之中再伐鄰國不亦甚乎直舉國名傳無其說孔氏穎達以為告辭畧故史異文是也

附錄

十二月甲戌晉作六軍

為六軍
僭也

韓厥趙括鞏朔

韓穿荀黵趙旃皆為卿賞鞏之功也

韓厥為新中軍
趙括佐之鞏朔

為新上軍韓穿佐之荀黵為新下軍趙旃佐之晉舊有三軍今增此故為六軍

齊侯朝于

晉將授玉

執玉
為贄

卻克趨進曰此行也君為婦人之笑

辱也寡君未之敢任晉侯享齊侯齊侯視韓厥韓厥

曰君知厥也乎齊侯曰服改矣

戎朝異服也言
服改明識其人韓厥

登舉爵曰臣之不敢愛死為兩君之在此堂也荀

營之在楚也鄭賈人有將寘諸褚中以出

褚祭也

既謀

之未行而楚人歸之賈人如晉荀瑩善視之如實出
己賈人曰吾無其功敢有其實乎吾小人不可以厚

誣君子遂適齊

傳言知
瑩之賢

四年春宋公使華元來聘

左傳四年春宋華元來聘通嗣君也

宋入春秋未嘗聘魯文十一年公子遂雖往而宋
不報也此繼晉衛而來聘蓋以三年春同會伐鄭
故以好相結耳而六年冬復有侵宋之師用此見

邦交無常惟以強國之意為向背耳

三月壬申鄭伯堅卒

杞伯來朝

左傳杞伯來朝歸叔姬故也

明年叔姬大歸故杞伯先修朝禮言其故

夏四月甲寅臧孫許卒

公如晉

夏公如晉晉侯見公不敬季文子曰晉侯必不免

詩曰敬之敬之天惟顯思命不易哉

詩頌言天道顯明受其命甚難

不可不敬以奉之

夫晉侯之命在諸侯矣可不敬乎

敬諸侯則得天

命

公以蜀之盟棄晉從楚內有懼焉故比年如晉不知禮愈繁身愈卑徒自取屈辱而已

葬鄭襄公

秋公至自晉

左傳秋公至自晉欲求成于楚而叛晉

以晉侯見公不敬故

季文

子曰不可晉雖無道未可叛也國大臣睦而邇于我

諸侯聽焉未可以貳史佚之志有之曰

史佚周文王太史

非

我族類其心必異楚雖大非吾族也其肯字我乎

字愛

也
公乃止

冬城鄆

魯有二鄆此西鄆即汶陽之一邑既得汶陽故城

之以自固雖時亦書重役民也杜氏預以為備晉

蓋因公之不禮於晉意其然爾

鄭伯伐許

左傳冬十一月鄭公孫申帥師疆許田前年鄭伐許侵其田今正其界

許人敗諸展陂展陂杜注許地在今許州西北鄭伯伐許取鉏任泠

敦之田鉏任泠敦俱在今許州境晉欒書將中軍代郤克荀首佐

之士燮佐上軍荀庚將上軍不行故佐獨出以救許伐鄭取汜祭

汜祭杜注鄭地成舉縣東有汜水楚子反救鄭鄭伯與許男訟焉于子

反前爭曲直皇戌攝鄭伯之辭子反不能決也曰君若辱

在寡君寡君與其二三臣共聽兩君之所欲成其可

知也

欲使于楚
子前決之

不然側不足以知二國之成

側子反
名為明

年許愬鄭

于楚張本

鄭伯在喪而書爵以吉禮從金革之事也上三年
冬書鄭伐許先儒皆以為惡鄭之甚然三年夏書
鄭公子去疾帥師伐許此年又書鄭伯伐許不應
兩年之間事同罪一而或恕之或誅之以是知孔
氏穎達謂一據舊史之文義或然也

附錄
左傳

晉趙嬰通于趙莊姬

趙嬰趙盾弟莊姬
趙朔妻朔盾之子

五年春王正月杞叔姬來歸

穀梁傳

婦人之義嫁曰歸反曰來歸

杞叔姬來歸出也叔姬之罪無所考見或曰疾或曰無子然必不安於杞而來歸爾春秋於內女之出與歸錄之詳者所以重人倫為後世戒也

附錄

左傳五年春原屏放諸齊

放趙嬰也原同屏季嬰之兄

嬰曰我在

故藥氏不作我亡吾二昆其憂哉且人各有能有不

能

言已雖淫而能令莊姬護趙氏

舍我何害弗聽嬰夢天使謂已祭

余余福女使問諸士貞伯貞伯曰不識也既而告其

人曰

貞伯自告其從人

神福仁而禍淫淫而無罰福也祭其

得亡乎

以得放遣為福

祭之之明日而亡

為八年晉殺趙同趙括傳

仲孫蔑如宋

左傳

孟獻子如宋報華元也

前年宋華元來聘

蔑與華元交相聘問其情厚矣尋復迫於晉令遽

興侵宋之師謹于邦交者固如是乎

夏叔孫僑如會晉荀首于穀

首公羊作秀穀杜注齊地

左傳 夏晉荀首如齊逆女故宣伯餽諸穀

野饋曰餽 運糧饋之敬大

也國

穀齊地也他國大夫非過吾境而使大夫往會之
非禮也自文十一年彭生會郤缺宣十五年蔑會
高固自是以後大夫會大夫率以為常蓋列國之
君皆失其政矣

梁山崩

梁山杜注在馮翊夏陽縣北夏陽今陝西韓城縣

左傳

梁山崩晉侯以傳召伯宗伯宗辟重曰辟傳

重重載之

車重人曰待我不如捷之速也

捷邪出

問其所曰絳人

也問絳事焉曰梁山崩將召伯宗謀之問將若之何

曰山有朽壤而崩可若何國主山川

主謂所主祭

故山崩

川竭君為之不舉降服乘縵

車無文

徹樂出次

舍于郊

祝

幣

陳玉帛

史辭

自罪責

以禮焉其如此而已雖伯宗若之

何伯宗請見之

見之于音君

不可遂以告而從之

從重人言

梁山者何河上之山也梁山崩何以書記異也

公羊傳

何異爾大也何大爾梁山崩壅河三日不汜

汜同流

外

異不書此何以書為天下記異也

穀梁傳

不日何也高者有崩道也有崩道則何以書也

曰梁山崩壅遏河三日不流晉君召伯尊而問焉伯尊來遇輦者輦者不辟使車右下而鞭之輦者曰所

以鞭我者其取道遠矣

所用鞭我之間行道則可遠

伯尊下車而

問焉曰子有聞乎對曰梁山崩壅遏河三日不流伯尊曰君為此召我也為之奈何輦者曰天有山天崩之天有河天壅之雖召伯尊如之何伯尊由忠問焉

用忠誠之心問之

輦者曰君親素縞帥羣臣而哭之既而祠

焉斯流矣伯尊至君問之曰梁山崩壅過河三日不流為之奈何伯尊曰君親素縞帥羣臣而哭之既而祠焉斯流矣孔子聞之曰伯尊其無績乎攘善也

績功

也攘盜也

梁山崩記異也詩曰奕奕梁山蓋在韓侯之國韓滅于晉不繫之晉者公羊子所謂為天下記異是也古禮遭變異有降服乘縵徹樂出次祝幣史辭

之文者皆恐懼修省之心所發著也絳人之論於
禮文備矣若徒舉其文而無實心先之何足以弭
災變乎

附錄
左傳

許靈公愬鄭伯于楚

前兩年鄭
伐許故

六月鄭悼公如

楚訟不勝楚人執皇戌及子國

子國鄭
穆公子

故鄭伯歸使

公子偃請成于晉秋八月鄭伯及晉趙同盟于垂棘

宋公子圍龜為質于楚而歸

圍龜文
公子

華元享之請

鼓譟以出鼓譟以復入

出入輒
擊鼓

曰習攻華氏宋公殺

宣十五年宋楚平後華元使圍
之
龜代已為質故怨而欲攻華氏

秋大水

冬十有一月己酉天王崩

左 十一月己酉定王崩
子簡王立傳本在
蟲牢下蓋月顛倒

十有二月己丑公會晉侯齊侯宋公衛侯鄭伯曹伯邾

子杞伯同盟于蟲牢
蟲牢杜注鄭地陳留封丘縣北有
桐牢今桐牢亭在河南封丘縣北

三

左 冬同盟于蟲牢鄭服也諸侯謀復會宋公使向為

人辭以子靈之難

子靈圓龜也宋公不欲會以新
誅子靈為辭為明年侵宋傳

鄭襄公自戰邲以後堅于附楚至是始復從晉故
書同盟載書以是要言也定王之赴已在諸侯之
策晉侯若罔聞知而合九國之諸侯以為會盟無
王之罪視他盟有加矣

六年春王正月公至自會

五年冬天王崩公與諸侯方為蟲牢之盟若能自
會奔喪承事庶幾可以補過而晏然返國若無聞

焉書至自會所以著其不臣之罪也

附錄

六年春鄭伯如晉拜成子游相

子游公子偃

授玉于

左傳

東楹之東

禮授玉兩楹之間鄭伯行疾故東過

士貞伯曰鄭伯其死乎

自棄也已視流而行速不安其位宜不能久

視流不端諦東

過故言不

安其位

二月辛巳立武宮

左傳二月季文子以鞏之功立武宮非禮也

魯人自鞏之功至今

無患故築武軍又作先君武公宮以告成事欲以示後世聽于人以救其難不可

以立武立武由己非由人也

公羊傳

武宮者何武公之宮也

在春秋前

立者何立者不宜

立也立武宮非禮也

穀梁傳

立者不宜立也

二昭二穆與大祖之廟而五諸侯之廟制也魯以周公為太祖而伯禽為世室二廟不毀昭功德也武公至成公十一世其毀已久而復立之失禮違制故特書曰立立者不宜立也或曰明堂位以魯

公廟為文世室武公廟為武世室不為無據曰苟謂之世室則世世不毀矣奚待成公而始立乎且昭十五年有事于武宮不言世室則知明堂位之文妄也

取鄆

鄆杜注
附庸國

左傳取鄆言易也

公羊傳鄆者何邾婁之邑也曷為不繫于邾婁諱亟也

方輿邾婁同蟲牢之盟旋取其邑諱魯背信亟也

穀梁
傳 鄆國也

鄆微國也取者取為附庸也公羊傳於根牟鄆鄆皆曰邾邑然春秋未有取他國之邑而不繫國者以僖公之取須句訾婁皆繫以邾例之則其說不可通矣胡氏安國謂滅而書取乃為君諱過若項之書滅則僖公在會乃季孫所為故直書不隱以時事考之似非其實其辨已於滅項具之姑存所疑以備參考

衛孫良夫帥師侵宋

左傳

三月晉伯宗夏陽說衛孫良夫甯相鄭人伊維之

戎陸渾蠻氏侵宋

夏陽說晉大夫蠻氏杜注戎別種河南新城縣東南有蠻城經惟書

衛孫良夫者

獨衛告也

以其辭會也

辭會在
前年

師于鍼衛人不保

不守
恪

說欲襲衛曰雖不可入多俘而歸有罪不及死

伯宗曰不可衛惟信晉故師在其郊而不設備若襲之是棄信也雖多衛俘而晉無信何以求諸侯乃止

師還衛人登陴

闡說
謀故

晉命也往年宋實預蟲牢之盟今一辭會而使衛
魯交侵之獨不思前此楚人圍宋經歷三時國幾
斃而不能救乎晉景之昏愚諸大夫之很肆所以
使諸侯離心而霸業不振者皆由不能自返而責
人無已也

附錄
左傳

晉人謀去故絳

晉復命新田為絳故謂此故絳

諸大夫皆曰必

居郇瑕氏之地

郇瑕杜注古國名河東解縣西北有郇城

沃饒而近鹽

鹽

也杜注猗氏縣鹽池是

國利君樂不可失也韓獻子將新中軍

且為僕大夫

兼大僕

公揖而入獻子從公立于寢庭

寢路

之謂獻子曰何如

問諸大夫言是非

對曰不可郇瑕氏土薄

水淺其惡易覲易覲則民愁民愁則墜隘

墜隘羸困也

于

是乎有沈溺重隄之疾不如新田

新田杜注平陽絳縣

土厚水

深居之不疾

高燥故

有汾澮以流其惡

杜注汾水出太原絳北西南

入河澮水出平陽絳縣南西入汾惡垢穢

且民從教十世之利也夫山澤

林監國之寶也國饒則民驕佚

財易致則民驕侈

近寶公室

乃貧

近寶則民不務本

不可謂樂公說從之夏四月丁丑晉

遷于新田

為季孫如晉傳

夏六月邾子來朝

公孫嬰齊如晉

左傳

子叔聲伯如晉

聲伯嬰齊

命伐宋

晉人命

公比年如晉大夫又繼往焉蓋與齊為讎不得不倚晉為援是以君臣僕僕霸政之煩苛小國之困敵於此可見矣

壬申鄭伯賈卒

左

六月鄭悼公卒

終士貞伯之言

秋仲孫蔑叔孫僑如帥師侵宋

左

秋孟獻子叔孫宣伯侵宋晉命也

魯宋會師同盟聘問相結遠以晉命而加兵於宋非義也兵戎有國之重事邦交人道之大倫聽命於人不得已焉將能立乎魯自戰鞏四卿竝書此又二卿竝書蓋大夫益張史承其意而不敢畧也凡以霸令有事於鄰國多書侵豈非本無積怨故

無志深入而淺侵其境歟

楚公子嬰齊帥師伐鄭

楚始書大夫將

左傳 楚子重伐鄭鄭從晉故也

冬季孫行父如晉

左傳 冬季文子如晉賀遷也

晉遷新田故行父如晉遷不書擇利自從非不得已則常事耳

晉欒書帥師救鄭

救公羊作侵

左傳 晉欒書救鄭與楚師遇于繞角

繞角杜注鄭地杜佑通典汝州魯山

縣東南有繞角城

楚師還晉師遂侵蔡楚公子申公子成以

申息之師救蔡禦諸桑隧

桑隧杜注汝南朗陵縣東有桑里在上蔡西南

趙

同趙括欲戰請于武子

武子欒書

武子將許之知莊子范

文子韓獻子諫曰不可吾來救鄭楚師去我吾遂至

于此是遷戮也戮而不已又怒楚師戰必不克

遷戮不義

怒敵難當故不克

雖克不令成師以出而敗楚之二縣何榮

之有焉

六軍悉出故曰成師以大勝小不足為榮

若不能敗為辱已甚不

如還也乃遂還于是軍帥之欲戰者衆或謂樂武子

曰聖人與衆同欲是以濟事子盍從衆子為大政將

酌于民者也

酌取民心以為政

子之佐十一人

六軍之卿佐時樂書將中

軍荀首佐之荀庚將上軍士變佐之卻錡將下軍趙同佐之韓厥將新中軍趙括佐之葷朔將新上軍韓

穿佐之荀驩將新

其不欲戰者三人而已

知范韓

欲戰

下軍趙旃佐之

者可謂衆矣商書曰三人占從二人衆故也

商書洪範

武

子曰善鈞從衆夫善衆之主也三卿為主可謂衆矣

從之不亦可乎

傳善樂書得從衆之義且為八年晉侵蔡傳

楚伐鄭喪致悼公過期不葬書樂書之救而伐者
之罪自著矣據左氏樂書未戰而退師似不成乎
救然始過於繞角而楚師還繼過於桑隧而申息
之師亦未能逞則不可謂無功矣

日講春秋解義卷三十二

欽定四庫全書薈要卷一千七百五十八

經部

日講春秋解義卷三十三

成公

七年春王正月麋鼠食郊牛角改卜牛麋鼠又食其角乃免牛

穀梁傳

不言日急辭也

辭中促急不容日

過有司也郊牛日展

斛角而知傷

斛球球然角貌

展道盡矣其所以備災之道不

盡也改卜牛麋鼠又食其角又有繼之辭也

前已食故曰繼

其緩辭也曰亡乎人矣非人之所能也所以免有司之過也乃免牛乃者亡乎人之辭也免牲者為之緇衣纁裳有司玄端奉送至于南郊免牛亦然免牲不曰不郊免牛亦然

雞鼠鵲物之微者牛有力之畜何至為所食蓋將祭之牲必繫於牢而設楅衡以制其角故不能備鼠也始焉食角乃有司疎於防伺既展其傷當知所備而又食焉則非有司之過矣許氏翰曰小

害天下賊上食而又食三桓子孫相繼之象也宣

公有虞三桓之志至成公始弗戒矣理或然也

吳伐郟

吳始見經

左傳七年春吳伐郟郟成季文子曰中國不振旅蠻夷

入伐而莫之或恤無弔者也夫

言中國不能相憇恤

詩曰不弔

昊天亂靡有定其此之謂乎

詩小雅刺在上者不能弔慈下民故號天告亂

有上不弔其誰不受亂

上謂霸主

吾亡無日矣君子曰知

懼如是斯不亡矣

楚始見經以州舉繼以國舉吳始見經即以國舉
繼乃稱人繼乃稱爵皆舊史之文聖人因之以著
世變者也吳自壽夢得申公巫臣即為楚患至是
伐郟兵連上國始見於春秋晉人第知通吳以制
楚不知楚抑而吳興其患適相等耳

附錄

左傳鄭子良相成公以如晉見且拜師

為楚伐
鄭張本

夏五月曹伯來朝

左傳

夏曹宣公來朝

曹與魯為兄弟之國徒以弱小僖文以後屢朝於魯而魯始終不聞報聘邦交之非禮概可見矣

不郊猶三望

經書猶三望者三僖三十一年書免牲而繫以猶三望不言不郊者免牲則不郊可知矣宣三年書牛死乃不郊而繫以猶三望蓋帝牛死或扳稷牛而用之必言不郊義乃不漏若此年既書免牛又書不郊因有間事不可但言猶三望故以不郊起

之也

秋楚公子嬰齊帥師伐鄭

公會晉侯齊侯宋公衛侯曹伯莒子邾子杞伯救鄭八

月戊辰同盟于馬陵

馬陵杜注衛地陽平元城縣東南有地名馬陵在今直隸大名府治

東南

左傳 秋楚子重伐鄭師于汜

汜杜注鄭地在襄城縣南

諸侯救鄭鄭

共仲侯羽軍楚師

二子鄭大夫

囚鄭公鍾儀

鍾儀楚鄭縣大夫

獻

諸晉八月同盟于馬陵尋蟲牢之盟且莒服故也

蟲牢

盟在五年莒本屬晉人以鍾儀歸囚諸軍府

軍藏府也為九

年晉侯見鍾儀張本

楚人頻年伐鄭橫暴憑陵之罪不待貶而見矣晉前此救鄭以大夫帥師今則國君親將合九國之君以揚軍聲故鄭恃此以不屈於楚盟蜀之後晉霸所以復延賴有此耳故晉景之時書同盟者五盖諸侯同懼楚氛之惡欲倚晉以自固而載書以是要言耳

公至自會

諸侯會而楚師退故不以救鄭至

吳入州來

州來杜注楚邑淮南下蔡縣
今江南壽州北有蔡國城

左楚圍宋之役

在宣十四年

師還子重請取于申呂以為

賞田王許之申公巫臣曰不可此申呂所以邑也是

以為賦以御北方若取之是無申呂也

言申呂賴此
田成邑不得

此田則無以出
兵賦而二邑壞

晉鄭必至于漢王乃止子重是以怨

巫臣子反欲取夏姬巫臣止之遂取以行子反亦怨

之及共王即位子重子反殺巫臣之族子閻子蕩及

清尹弗忌及襄老之子黑要以夏姬故而分其室子

重取子閻之室使沈尹與王子罷分子蕩之室子反

取黑要與清尹之室巫臣自晉遺二子書曰爾以讒

慝貪恠事君而多殺不辜余必使爾罷于奔命以死

巫臣請使于吳晉侯許之吳子壽夢說之壽夢季乃

通吳于晉以兩之一卒適吳舍偏兩之一焉司馬法

卒二十五人為兩車九乘為小偏十五乘為大偏正
義曰以兩之一謂將二十五人也又言卒謂更將百

人凡將一百二十五人適吳也舍偏謂舍一偏之車
九乘也兩之一又舍二十五人也蓋留九乘車及一
兩二十五人
今吳習之
與其射御教吳乘車教之戰陳教之叛

楚

先是吳當屬楚

寘其子狐庸為使為行人于吳吳始伐楚

伐巢伐徐

巢徐楚屬國

子重奔命

救巢徐

馬陵之會吳入州

來子重自鄭奔命

因伐鄭而行

子重子反于是乎一歲七

奔命蠻夷屬于楚者吳盡取之是以始大通吳于上

國

州來楚之附庸迤北則魯迤南而西則楚楚控州

來則可以禦吳吳得之則可以窺楚晉之通吳亦
制楚之善策然不能自彊於政治則楚雖罷敝而
吳亦爭雄於齊晉矣書吳入州來錄其始事也

冬大雩

穀梁傳

雩不月而時非之也冬無為雩也

凡雩皆因旱而舉穀梁謂冬無為雩非也周之十
月正夏之八月是時不雨能無雩乎

衛孫林父出奔晉

左傳 衛定公惡孫林父冬孫林父出奔晉

林父良夫之子

衛侯

如晉晉反戚馬

戚林父邑林父出奔戚隨屬晉

孫氏世執衛政而自結於晉之彊家故見惡於君
遂挾地以奔晉為衛患者幾四十年魯之季氏亦
然晉君不能謹持操柄聽於彊家私庇諸侯之叛
臣以致衛獻魯昭窮於無告而不知晉社已陰移
於六卿矣履霜堅冰由來者漸豈不信與

八年春晉侯使韓穿來言汶陽之田歸之于齊

左八年春晉侯使韓穿來言汶陽之田歸之于齊季

文子餞之私焉

私與之言

曰大國制義以為盟主是以諸

侯懷德畏討無有貳心謂汶陽之田敝邑之舊也而
用師于齊使歸諸敝邑今有二命曰歸諸齊信以行
義義以成命小國所望而懷也信不可知義無所立

四方諸侯其誰不解體詩曰女也不爽士貳其行士

也罔極二三其德

爽差也極中也詩衛風婦人怨夫不一其行喻魯事晉猶女之事夫

不敢過差而晉有罔極之心反二三其德

七年之中一與一奪二三孰甚

焉士之二三猶喪妃耦而况霸主霸王將德是以用

也

而二三之其何以長有諸侯乎詩曰猶之未遠是

用大簡

猶圖也簡諫也詩大雅言王者圖事不遠故用大道諫之

行父懼晉之不

遠猶而失諸侯也是以敢私言之

公羊傳

來言者何內辭也脅我使我歸之也曷為使我

歸之鞏之戰齊師大敗齊侯歸弔死視疾七年不飲

酒不食肉晉侯聞之曰嘻奈何使人之君七年不飲

酒不食肉請皆反其所取侵地

殺梁

于齊緩辭也不使盡我也

若曰為之請歸不使晉制命于我

鞏之戰晉令於齊反魯侵地故以汶陽歸魯復有二命俾歸於齊義不足以宗諸侯矣然曰來言是尚未能必魯之聽從也而魯侯微弱遂以歸齊而不能保其何能國乎

晉欒書帥師侵蔡

左傳晉欒書侵蔡

六年未得志故

遂侵楚獲申驪

中驪楚大夫

楚師

之還也

謂六年遇于繞角時

晉侵沈獲沈子揖初從知范韓也

知莊子范文

子韓獻子

君子曰從善如流宜哉宜有功也詩曰愷悌

君子遐不作人

遐遠也不語助作用也詩大雅言文王能遠用善人

求善也夫

作人斯有功績矣是行也鄭伯將會晉師門于許東

門大獲焉

過許見其無備因攻之

蔡逼於楚故自翟泉以後未嘗從諸侯會盟晉之
侵蔡報楚之伐鄭也大國爭衡而小國受其敝可
矜孰甚焉

公孫嬰齊如莒

傳左聲伯如莒逆也

自為逆婦而書者因聘而逆

先儒謂行父如陳公孫茲如牟嬰齊如莒皆因聘而請昏納婦春秋止書曰如不許其託公以遂私非也據經所書止聘問之恒詞治經者何由知其請昏納婦而得筆削之義乎蓋事本微細不宜登於策書而又無害於義故略之耳

宋公使華元來聘

傳左宋華元來聘聘共姬也

穆姜之女成公姊妹為宋共公夫人即伯姬也

凡列國相聘必有事焉非專行聘禮也華元之來

蓋圖昏爾

夏宋公使公孫壽來納幣

左夏宋公使公孫壽來納幣禮也

納幣應使卿

公羊納幣不書此何以書錄伯姬也

伯姬守節逮火而死賢故詳錄

其禮

納幣不書此何以書納幣使卿非禮也春秋於共姬之歸宋自納幣致女以及三國來媵備載而無

遺雖以表共姬之賢亦以志其過禮其義並行而不相悖也

晉殺其大夫趙同趙括

左傳晉趙莊姬為趙嬰之亡故譖之于晉侯趙嬰亡在五年曰

原屏將為亂欒卻為徵欒氏卻氏亦徵其為亂六月晉討趙同

趙括武從姬氏畜于公宮趙武莊姬之子莊姬晉成公女畜養也以其

田與祁奚韓厥言于晉侯曰成季之勲宣孟之忠成季

趙衰宣孟趙盾而無後為善者其懼矣三代之令王皆數百

年保天之祿夫豈無辟王賴前哲以免也

辟邪

周書

曰不敢侮鰥寡所以明德也

周書康誥言文王不侮鰥寡而德益明欲晉景

恤趙孤以

乃立武而反其田焉

法文王

不去其官殺無罪也稱國以殺君與當國大臣共
主之也據左氏莊姬之譖由同括之逐趙嬰則殺
無罪可知矣莊姬誣同括將為亂而藥郤為徵則
忌害趙氏而共成是獄可知矣

秋七月天子使召伯來賜公命

賜公羊穀梁作錫錫命止此

左傳 秋 召桓公來賜公命

桓公周卿士即召伯

公羊 其稱天子何元年春王正月正也其餘皆通矣

天汪天子皆可通稱

穀梁 禮有受命無來錫命錫命非正也曰天子何也

曰見一稱也

前此未有言天子者今言天子是更見一稱

成公即位八年而不入見既踰五服一朝之期又未嘗有敵愾獻功之事何為而來賜命哉天子僭賞而諸侯亦不以為德自是以後錫命亦不見於

經矣書天子或舊史從策命之文或傳寫誤也

附錄
左傳

晉侯使申公巫臣如吳假道于莒與渠丘公立

于池上

渠丘公莒子朱也渠丘杜注邑名
莒縣有濠里今屬山東青州府

曰城已惡

莒子曰辟陋在夷其孰以我為虞

虞度也

對曰夫狡焉

思啓封疆以利社稷者何國蔑有唯然故多大國矣

唯或思或縱也

忌謂忌開封
疆縱不設備

勇夫重閉况國乎

為明
年莒

潰
傳

冬十月癸卯杞叔姬卒

左傳冬杞叔姬卒來歸自杞故書

叔姬見出於杞而來歸遂卒於魯但稱叔姬恐其同於未嫁之女故仍以杞書書卒者為他日喪歸於杞也

晉侯使士燮來聘

叔孫僑如會晉士燮齊人邾人伐郟

左傳晉士燮來聘言伐郟也以其事吳故七年郟公賂與吳成

之請緩師文子不可文子曰君命無貳失信不立禮

無加貨事無二成

公私不成

君後諸侯是寡君不得事

君也變將復之季孫懼使宣伯帥師會伐鄭

鄭之見伐於吳晉不能救及不得已而與吳成又帥諸侯以伐之晉不能制楚而徒欲服鄭不能制吳而反以責鄭宜其不足以宗諸侯而魯人既知鄭不當伐又屈於疆令而會師焉其不能立亦可知矣

衛人來媵

左傳 衛人來媵共姬禮也凡諸侯嫁女同姓媵之異姓

則否

必以同姓者參骨肉至親所以息陰訟

公羊傳 媵不書此何以書錄伯姬也

穀梁傳 媵淺事也不志此其志何也以伯姬之不得其

所故盡其事也 不得其所謂災死也

媵伯姬也禮諸侯嫁女于諸侯以姪娣從衛人來媵非失禮也以後此齊晉來媵踰諸侯一娶九女

之制故備書以志非禮若以異姓不宜來媵為義

則但書齊媵可矣左氏之說非也

九年春王正月杞伯來逆叔姬之喪以歸

左九年春杞桓公來逆叔姬之喪請之也魯請于杞杞叔

姬卒為杞故也死而反葬故卒稱杞逆叔姬為我也既棄而復逆其喪明

為魯故

公羊傳杞伯曷為來逆叔姬之喪以歸內辭也脅而歸

之也

穀梁傳曰夫無逆出妻之喪而為之也言其不合為而為之故書

以見
其非

出婦未反而逆其喪非禮也女嫁未三月而卒尚
歸葬於女氏之黨况出而死於母家乎杞伯以叔
姬為賢則初不當出以為不賢則卒不當以歸二
者必居其一矣觀其初出不敢直歸之魯先朝而
後歸焉則懼魯可知其逆喪以歸必魯人脅之耳
內女出而歸者三郟伯姬齊子叔姬皆不書卒以
無異事法不宜書非謂杞叔姬賢於二姬也

公會晉侯齊侯宋公衛侯鄭伯曹伯莒子杞伯同盟于

蒲

蒲杜注衛地在長垣縣西南

左傳為歸汶陽之田故諸侯貳于晉
歸田在前年晉人懼會

于蒲以尋馬陵之盟

馬陵盟在七年

季文子謂范文子曰德

則不競尋盟何為范文子曰勤以撫之寬以待之堅

強以御之明神以要之柔服而伐貳德之次也是行

也將始會吳吳人不至

為十五年會鍾離傳

晉人以諸侯皆貳故盟蒲以固結之然諸侯之貳

以晉制命不信復命魯以汶陽之田歸之于齊也
已則無信而要人以信慮人之異而疆之同安能
保其不異哉其書同盟蓋諸侯同懼楚而晉復懼
諸侯之貳故載書以是要言耳

公至自會

二月伯姬歸于宋

左傳

二月伯姬歸于宋

前書納幣後書致女及三國來媵則伯姬之歸豈

得不書非以伯姬之賢而特書其歸也范氏甯謂
逆者非卿不書以公孫壽納幣觀之逆不應使微
者諸儒以為宋公親迎亦無可據姑發所疑俟治
經者考焉

附錄
左傳

楚人以重賂求鄭鄭伯會楚公子成于鄧

為晉
人執

鄭伯
傳

夏季孫行父如宋致女

左傳

夏季文子如宋致女復命公享之賦韓奕之五章

韓奕詩大雅其五章言蹶父嫁女于韓侯為女相所居莫如韓樂以喻魯侯有蹶父之德宋公如韓侯宋

土如韓樂穆姜出于房再拜曰穆姜伯姬母聞文子言宋樂喜而出謝其行勞大

夫勤辱不忘先君以及嗣君施及未亡人先君猶有

望也敢拜大夫之重勤又賦綠衣之卒章而入綠衣詩邶

風取其我思古人實獲我心喻文子言得己意

我

公羊未有言致女者此其言致女何錄伯姬也

殺梁致者不致者也婦人在家制于父既嫁制于夫

如宋致女是以我盡之也刺已嫁而猶以父制盡之不正故不與

內稱也

內稱謂稱使

逆者微故致女詳其事賢伯姬也

禮婦人三月廟見而後稱婦父母使人聘問以致成婦禮謂之致女伯姬賢魯國重之故使卿致也

晉人來媵

左傳晉人來媵禮也

公羊傳媵不書此何以書錄伯姬也

穀梁傳媵淺事也不志此其志何也以伯姬之不得其所故盡其事也

所故盡其事也

亦媵伯姬也伯姬賢聞於四鄰故諸國爭媵信其
無妬忌之行也

秋七月丙子齊侯無野卒

晉人執鄭伯

晉欒書帥師伐鄭

左傳秋鄭伯如晉晉人討其貳于楚也執諸銅鞮銅鞮杜注

晉別縣欒書伐鄭鄭人使伯蠲行成伯蠲鄭晉人殺之在上黨

非禮也兵交使在其間可也楚子重侵陳以救鄭陳與晉故

穀梁傳 不言戰以鄭伯也為尊者諱恥王師敗績于為

賢者諱過為齊桓諱為親者諱疾樂書以鄭伯代鄭

弟之國故曰親君臣交

兵病莫大焉故曰疾

附錄 左傳 晉侯觀于軍府見鍾儀問之曰南冠而縶者誰

也南冠楚冠有司對曰鄭人所獻楚囚也使稅之鄭

鍾儀在七名而弔之再拜稽首問其族對曰泠人也

泠人樂官 公曰能樂乎對曰先父之職官也敢有二事言

敢學他事 使與之琴操南音南音公曰君王何如對曰非

小人之所得知也固問之對曰其為太子也師保奉

之以朝于嬰齊而夕于側也

嬰齊令尹子重側司馬子反言其尊卿敬老

不知其他公語范文子文子曰楚囚君子也言稱先職不背本也樂操土音不忘舊也稱天子抑無私也

舍其近事而遠稱少小以示性所自然明至誠

名其二卿尊君也不背本仁

也不忘舊信也無私忠也尊君敏也仁以接事信以守之忠以成之敏以行之事雖大必濟君盍歸之使合晉楚之成公從之重為之禮使歸求成

為下十二月晉楚結

成張
本

鄭雖貪賂從楚猶朝於晉是未告絕於晉也晉不
能招攜以禮懷遠以德而拘其君伐其國戮其行
成之使暴矣書人以執非霸討也殺伯蠲不書既
執其君舉重而餘可略也楚侵陳以救鄭不書鄭
無可救之善不與其救也

冬十有一月葬齊頃公

楚公子嬰齊帥師伐莒庚申莒潰

楚人入鄆

鄆杜注莒別邑任
公輔曰東鄆也

左傳冬十一月楚子重自陳伐莒圍渠丘渠丘城惡衆

潰奔莒戊申

月六日

楚入渠丘莒人囚楚公子平楚人

曰勿殺吾歸而俘莒人殺之楚師圍莒莒城亦惡庚

申

月十日

莒潰楚遂入鄆莒無備故也

終巫臣之言

君子曰

恃陋而不備罪之大者也
備豫不虞善之大者也
莒恃其陋而不修城郭
決辰之間而楚克其三都
無備

也夫

決辰十日也

詩曰雖有絲麻無棄菅蒯
雖有姬姜無

棄蕉萃凡百君子莫不代匱言備之不可以已也

詩逸

也絲麻可為布帛菅蒯草之可用以

織者姬姜大國女蕉萃陋賤之人

穀梁傳其日莒雖夷狄猶中國也大夫潰莒而之楚是

以知其上為事也

臣以叛君為事明君臣無道

惡之故謹而日之

也潰例月甚之故日

守國之道以安民為本鑿池築城必民能效死而後可守也莒恃僻陋不修城郭致楚決辰而克其三都信無備矣然兵至而民逃其上則雖有金城

湯池豈足恃哉楚之伐莒以救鄭也莒同馬陵及蒲之盟晉坐視其危而莫之恤而惡鄭之從楚執其君以伐其國何以為盟主乎

秦人白狄伐晉

左傳秦人白狄伐晉諸侯貳故也

自滅庸以來秦楚交合而同心以謀晉晉方爭鄭楚人伐莒以撓其東故秦與狄復攻其西使晉力不能支而自屈也

鄭人圍許

左傳鄭人圍許示晉不急君也此秋晉執鄭伯是則公孫申謀

之曰我出師以圍許為將改立君者而紓晉使紓緩也勿

亟遣使詣晉示欲更立君晉必歸君為明年晉侯歸鄭伯張本

鄭以晉人執其君歸咎于許而圍之且使晉知執其君為無益而速歸之也晉不能制楚庇鄭而彊以非義相要諸侯皆貳即鄭豈可以力服耶

城中城

左傳中城書時也

穀梁傳中城者非外民也


中城者郭之內宮之外也魯懲莒之無備而潰故懼而城之夫諸侯守在四境故楚人城郢謀國者以為憂至城中城則其為倣守也蓋微矣且設險於城郭之內將獨保其戚屬乎故穀梁以為外民也

附錄左傳

十二月楚子使公子辰如晉報鍾儀之使請修

好結成

日講春秋解義卷三十三



覆校官檢討 臣季學錦
校對官庶吉士 臣許兆椿
謄錄舉人 臣胡鼎蓉